

Кӧлгн тосхлтд ик чинртӓ

Хальмг таньгъч токтад нег джил давб. Эн цагин эргцд Элст балгъсн ӧньгӓн икӓр сольв. Энунд хошад-гурвад давхр кесг олн гермуд бӓргдв, кесг олн миньгън модд тӓргдв, кесг миньгън квадратн метр тротуар асфальтировать кегдв, кесг шин уульнцс гарв.

Автотранспортн конторин кӧдлӓчнр тосхлтин кӧдлмшт чидлӓн нӧл уга орлцдж, теруг кӧлгӓр тасрлтан уга теткв. Улгурнь, автогенщик ур Шовунов авсн даалгъвран куца-хӓр шундж кӧдлӓд, ӧдрӓ норман даньгин 300 процент кургдж куцаӓнӓ. Слесарьмуд Шургучинов, Гавриленко болн Богославский ӧдрӓ даалгъвран 150—200 процент кургдж куцацхӓнӓ. Рыжков, Маяцкий,

Гладков болн нань чигн шофермуд давсн джилӓ зурагъан 140—190 процент куцацхӓв.

Ӧлгӓ цагт Элстин автотранспортн конторин кеджӓх кӧдлмшт дуту-дунднь йир ик. Энунд ӧдр болгън гилтӓ 30 автомашин рессорнь хамхрдж-ӓдрснӓс кӧлтӓ зогсна. Ода болхла АТК-н гаражд 26 ясад гаргъчксн автомашин тӧгӓ уга болсн учрар кӧдлмшт олзлгдджахш. Тер учрар тосхлтин материалмуд зӧблгън татугъар кегдджӓнӓ. Эн дуту-дундиг уурулхд оньган ӧгхмн, кӧдлмштӓн таслвр гаргъл уга дигтӓ-даратагъар кӧлхиг автотранспортн конторин гардачирас некх кергтӓ.

И. ЧЕРКАСОВ.